

Headline	Notis rumah berkunci TNB bukan palsu		
MediaTitle	Berita Harian		
Date	25 August 2016	Language	Malay
Section	Viral Di FB	Readership	563,000
Page No	37	Journalist	N/A
ArticleSize			
PR Value			

BH Khamis, 25 Ogos 2016

Ms.37

→ VIRAL DI FB

Notis rumah berkunci TNB bukan palsu

➔ Orang ramai curiga diminta hubungi khidmat pelanggan syarikat

Oleh Fahmy Azril
fahmy.azril@bh.com.my

► Kuala Lumpur

Tenaga Nasional Berhad (TNB) mengesahkan pihaknya mengeluarkan notis maklum balas rumah berkunci yang viral di media sosial kononnya notis berkenaan palsu dibuat oleh pihak tertentu bagi tujuan merompak.

Dalam status yang disebar itu juga mendakwa TNB membuat pengesahan bahawa notis itu bukan daripada pihaknya dan digunakan pihak tertentu untuk melakukan jenayah.

Sehubungan itu, pihak TNB menyangkal dakwaan pihak berkenaan yang cuba menyebarkan

notis maklum balas pelanggan itu dengan memberi amaran di media sosial kononnya digunakan sebagai satu cara baharu atau jerat untuk merompak dan menyamun rumah tertentu.

Prosedur biasa

Pengurus Besar Kanan (Perkhidmatan Pengguna) Bahagian Pembahagian TNB, Ir Kamariah Abdul Kadir, berkata notis itu adalah prosedur biasa dikeluarkan kakitangannya dari Unit Perjangkaan TNB Kuala Lumpur.

Katanya, notis itu dikeluarkan apabila kakitangannya tidak dapat mengakses meter elektrik disebabkan pintu pagar premis pengguna berkunci atau ada halangan lain.

"Oleh itu, pengguna dinasihat tidak berkongsi status berkenaan kerana ia boleh mengakibatkan gangguan kepada pegawai yang namanya tertera di notis berkenaan," katanya dalam kenyataan, semalam.

Sehubungan itu, katanya, jika berlaku sebarang kecurigaan pengguna dinasihatkan menghubungi pegawai khidmat pelanggan TNB di talian 1-300-88-5454.

Selain itu, katanya, mereka juga boleh berkunjung ke mana-mana pejabat TNB jika menerima notis atau surat mencurigakan.

MAKLUM BALAS RUMAH BERKUNCI

TARIKH WAKTU: 11-8-2016 1:45 pm

NAMA KETUA PASUKAN: N/A

PENTAS KERJA:

☐ Penarikan Jangka Lama	☐ Penarikan Jangka Rosak
☐ Pemindahan Jangka Baru (COT)	☐ Tunggai Jangka Uti
☐ Lain-lain	☐ Sudi Meter Pemindahan Baru / Rosak

Sekiranya dipohon agar pihak tuan / puan menetapkan semula temujanji dalam masa 1 minggu dari tarikh maklaman ini dikeluarkan supaya kerja-kerja di atas dapat dilaksanakan segera.

APA YANG PERLU ANDA LAKUKAN

Sila hubungi: Tel: 03- [redacted] samb. 315 / 316

Kerjasama dan tindakan awal tuan / puan sangatlah dihargai. Sekian, Terima Kasih

"TNB PENGGERAK KEMAJUAN NEGARA"

Yang benar,

[Signature]

PENGURUS CAWANGAN (KL-UTARA)

25 & 27 Jalan PPU 3/46

Sunway Damansara Technology Park

47410 Petaling Jaya, Selangor D E.

Surat rasmi kononnya pihak TNB datang ke rumah disahkan itu palsu dan hanya cubaan untuk menyamun.